




ՓԱՐԻԶԻ ՀԱՅՈՑ Ս. ՀՈՎՀԱՆՆԵՍ ՄԿՐՏԻԶ
ԵԿԵՂԵՑՈՒ ԱՌԱՋՆՈՐԴԱՐԱՆՈՒՄ ԳՈՒՄԱՐՎԱԾ
ԽՈՐՀՐԴԱԿՑԱԿԱՆ ԺՈՂՈՎ

Սույն թվականի ապրիլի 1—2 օրերին Փարիզի հայոց առաջնորդարանում Արևմտյան Եվրոպայի հայրապետական պատվիրակ **տ. Սերովբե արքեպ. Մանուկյանի** հրավերով և նախագահությամբ գումարվել է խորհրդակցական ժողով, որին իրենց մասնակցությունն են բերել Արևմտյան Եվրոպայի հայրապետական թեմի պատասխանատու հոգևորականները:

Սույն ժողովին հրավիրվել են՝ Անգլիայի հայոց հայրապետական պատվիրակ **տ. Պսակ արքեպ.** Թումայանը, Միլանի հայոց հոգևոր հովիվ **տ. Զգոն եպս.** Տեր-Հակոբյանը, Մարսելի հայոց հայրապետական պատվիրակի փոխանորդ **տ. Հակոբ եպս.** Վարդանյանը, Վիեննայի հայոց հոգևոր հովիվ **տ. Մեսրոպ ծ. վրդ.** Գրիգորյանը, Լիոնի հայոց հոգևոր հովիվ **տ. Դավիթ ծ. վրդ.** Սահակյանը, Ժնևի հայոց հոգևոր հովիվ **տ. Ներսես ծ. վրդ.** Պողապալյանը, Լոնդոնի հայոց ծ. Սարգիս եկեղեցու հոգևոր հովիվ **տ. Արսեն վրդ.** Պերպերյանը, **տ. Գյուտ ծ. վրդ.** Նազաշյանը, **տ. Զարեհ վրդ.** Թոբայանը, **տ. Նորվան վրդ.** Զաքարյանը, **տ. Պարզե քնն.** Սերճանյանը և **տ. Մեսրոպ քնն.** Ժամկոչյանը՝ Փարիզից, **տ. Աշոտ ապագ քնն.** Տեր-Հարությունյանը՝ հոգևոր հո-

վիվ Մանչեստրի, և **տ. Նարեկ քնն.** Վարդանյանը՝ Վալանսից:

Ժողովի օրակարգի հարցերն են եղել՝
ա) Բննարկում եպիսկոպոսաց ժողովի ծիսական բարեփոխությանց նախագծի.

բ) Եկեղեցական, ծիսական և կարգապահական ընդհանուր հարցեր:

Ժողովի նախագահ **տ. Սերովբե արքեպ.** Մանուկյանը նախ բոլոր ներկաներին հաղորդում է **Ամենայն Հայոց Հայրապետ Տ. Տ. Վազգեն Ա.** կաթողիկոսի ողջույնի և հաջողության բարեմաղթություններն ու օրհնությունները: Այնուհետև սրբազանն իր զեկուցման մեջ հորդորում է ներկաներին ավելի ուշադրությամբ նվիրվել այն սրբազան գործին, որի պատասխանատվությունն ունեն նրանք:

Ժողովը մասնավոր կարևորությամբ կանգ է առնում յոթ սրբազան խորհուրդների և ժամասացության վրա: Տեղի է ունենում կարծիքների փոխանակում և գնահատական արտահայտություններ՝ պատրաստված ծրագրի վերաբերյալ:

Ժողովի երկրորդ բաժնում քննարկման նյութ են դառնում հոգևոր հովիվների պաշտոնի վերաբերյալ գործնական, կարգապահական, ծիսական և պաշտամունքի խնդիր-

ներ, որոնք իրենց հստակ լուսաբանումն են գտնում Արևմտյան Եվրոպայի հայոց հայրապետական պատվիրակ տ. Սերովքե արքեպ. Մանուկյանի թելադրություններով, ինչպես նաև՝ ներկաների կարծիքների փոխանակությամբ:

Ժողովը լրջորեն զբաղվում է նաև Եվրոպայում ապրող հայ մոր սերնդի կրոնա-քառյական և ազգային դաստիարակության խնդիրներով:

Ժողովի առաջին օրվա նիստերից հետո բոլոր ժողովականները մասնակցում են Փարիզի հայոց ս. Հովհաննես Մկրտիչ եկեղե-

ցու հսկումի արարողությանը, հոգեկան բավարարության համար և որպես առիթ խորհրդածության:

Ժողովի ավարտին բոլոր ներկաները ջերմորեն շնորհավորում են Արևմտյան Եվրոպայի հայոց թեմի հայրապետական պատվիրակ տ. Սերովքե արքեպ. Մանուկյանին՝ սույն եկեղեցաշեն, օգտակար ձեռնարկի համար և որոշում են ամեն տարի մույն ժամանակամիջոցին գումարել նման հանդիպում և խորհրդակցություն՝ ի պայծառությամբ Հայաստանյայց առաքելական եկեղեցու:

